



Broj: 10-05-32240/17
Sarajevo, 15.12.2017.godina

SKUPŠTINA KANTONA SARAJEVO
-Služba za skupštinske poslove-

PREDMET : Odgovor na zastupničku inicijativu

Zastupnica Neira Dizdarević na 35. Radnoj sjednici Skupštine Kantona Sarajevo, održanoj dana 15.11.2017 godine, u okviru tačke Dnevnog reda „Zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, postavila je **zastupničku inicijativu prema Vladi Kantona Sarajevo i Ministarstvu zdravstva KS, za nabavku određenog broja sanitetskih vozila za JU Zavod za hitnu medicinsku pomoć Kantona Sarajevo, tzv. caddy-a, koji bi bili adekvatni za intervencije u padinskim dijelovima grada, gdje su ulice toliko uske da standardno vozilo Hitne pomoći ne može proći**".

U vezi sa postavljenom zastupničkom inicijativom dostavljamo slijedeći:

ODGOVOR


Ministarstvo zdravstva je navedenu zastupničku inicijativu dostavilo JU Zavod za hitnu medicinsku pomoć Kantona Sarajevo te zatražilo izjašnjenje o istoj.

JU Zavod za hitnu medicinsku pomoć Kantona Sarajevo u svom odgovoru (akt broj 5264/17 od 01.12.2017.godine) navodi da ambulantna vozila koja trenutno koristi ustanova u svom radu u potpunosti svojim tehničkim karakteristikama zadovoljavaju evropske i svjetske standarde za rad u uvjetima hitne pomoći. Iz dosadašnjih iskustava rada, medicinsko terenskih timova, navode da se nije desilo da se ne može ući u bilo koju ulicu u padinskim dijelovima grada, tamo gdje je moglo ući i bilo koje drugo putničko vozilo. U dijelovima grada gdje je nemoguće ući sa vozilom hitne pomoći, zdravstveni timovi odlaze na adresu pacijentima pješice.

Takođe, u svom aktu navode da Pravilnikom o uvjetima, organizaciji i načinu rada hitne medicinske pomoći ("Službene novine FBiH", 98/13) u Prilogu 2. propisani su uvjeti u pogledu tehničkih karakteristika vozila za rad u hitnoj medicinskoj pomoći.

Vozilo tipa "caddy" svojim tehničkim karakteristikama ne može odgovoriti osnovnoj djelatnosti Zavoda, te se ne može registrovati kao sanitetsko vozilo.

U prilogu Vam dostavljamo odgovor JU Zavod za hitnu medicinsku pomoć Kantona Sarajevo.



web: <http://mz.ks.gov.ba>

e-mail: mz@mz.ks.gov.ba

Tel: + 387 (0) 33 562-104, Fax: + 387 (0) 33 562-243

Sarajevo, Reisa Džemaludina Čauševića 1



Alena 01.12.2017 / 124

Alena H. C.

Broj: 124 / 17
Sarajevo, 01.12.2017.g.

• • • 124 •

**JU ZAVOD ZA HITNU
MEDICINSKU POMOĆ
KANTONA SARAJEVO**

Bosna i Hercegovina
Federacija Bosne i Hercegovine
KANTON SARAJEVO
Ministarstvo zdravstva
n/r Ministrice
Zilha Ademaj, dipl.oec.

71000 SARAJEVO
Kolodvorska 14
Centrala: (033) 722-330
Dispečerski centar: 124 i 611-111

Ljekarski savjeti: 722-344
Edukacioni centar: 722-336
Direktor: 722-333, 618-062, 653-702
Teh. sekretar: 722-334
Glavni med. tehničar: 722-340
Rukovodilac voznog parka: 722-364
Fax: 655-939
E-mail: hitnabih@yahoo.com
Transakc. račun: 1994990031470890
SPARKASSE BANK d.d. BiH
Finansijska služba: 722-335
Reg. br.: UF/I-1599/02
Ident. br.: 4200014530006

**PREDMET: Izjašnjenje po zastupničkoj inicijativi,
veza br: 10-05-32240/17**

Poštovana ministrice,

Ambulantna vozila koja trenutno koristi JU Zavod za hitnu medicinsku pomoć Kantona Sarajevo u potpunosti zadovoljavaju evropski i svjetski standard tehničkih karakteristika za rad u uvjetima hitne medicinske pomoći.

Iz dosadašnjeg iskustva rada medicinsko-terenskih timova nije se desilo da se ne može ući u bilo koju ulicu u padinskim dijelovima grada, tamo gdje je moglo ući bilo koje putničko vozilo. Izuzetak čine ulice koje su popločane kaldrmom ili koje u jednom dijelu imaju basamake kao npr: Strošići, Čebedžije gornje, Čebedžije donje, Ispod oraha, Save Skarića, Tekija, Hercina, Nadmlini, Bijela česma, Bistrik basamac i druge.

Otkada postoji JU Zavod za hitnu medicinsku pomoć Kantona Sarajevo, pacijentu se dolazilo i pješice u svim nepristupačnim dijelovima grada, po svim vremenskim prilikama i nepogodama.


Prema Pravilniku o uvjetima, organizaciji i načinu rada hitne medicinske pomoći (Sl. Novine FBiH 98/13) u Prilogu 2. Propisani su uvjeti u pogledu tehničkih karakteristika vozila za rad u hitnoj medicinskoj pomoći.

Vozilo tipa „caddy“ svojim tehničkim karakteristikama ne može odgovoriti osnovnoj djelatnosti Zavoda. Naime, unutrašnji bolesnički prostor vozila treba biti dužine više od 2,20m, kako bi se mogla smjestiti kolica/nosila za pacijenta. Iz tog razloga vozilo tipa „caddy“ se ne može registrovati kao sanitetsko vozilo.

U ime građana Kantona Sarajevo, svih radnika JU Zavod za hitnu medicinsku pomoć Kantona Sarajevo, kao i u svoje ime, upućujem riječi duboke zahvale zastupnici u Skupštini Kantona Sarajevo, gđi. Neiri Dizdarević, koja je svojom inicijativom ukazala poštovanje prema radu i radnicima Zavoda.

Veliko hvala!

Uz izraze dubokog uvažavanja srdačno Vas pozdravljam


DIREKTOR
KIJAN UZ DENA ŠOŠIĆ I ALJANOVIC